



欽定春秋左傳讀本卷九

文十一年
盡十八年

文公



經十有一年春楚子伐麇 夏叔仲彭生會

晉郤缺于承匡 秋曹伯來朝 公子遂如

宋 狄侵齊 冬十月甲午叔孫得臣敗狄

于鹹

音咸

傳十一年春楚子伐麇成大心敗麇師於防

渚潘崇復伐麇至于錫

音羊一作錫星歷切

穴

麇今白河縣錫穴即其都也防渚為今房縣在白河東楚伐之以其逃厥貉會

同治八年謹遵

三傳讀本卷九 文公

夏叔仲惠伯會晉卻缺于承匡謀諸侯之從於楚者

惠伯名彭生叔牙孫也承匡宋地今睢州西諸侯從楚者陳鄭宋也

秋曹文公來朝即位而來見也

襄仲聘于宋且言司城蕩意諸而復之因賀

楚師之不害也

意諸于八年來奔今請復之楚師不害謂前年楚將伐宋宋先下之故不害

鄭音瞞音侵齊遂伐我公卜使叔孫得臣追之

吉侯叔夏御莊叔縣房甥為右富父音終甥

駟乘去聲冬十月甲午敗狄于鹹獲長狄僑音

如富父音終甥音搯其喉以戈殺之埋其首

於子駒之門以命宣伯初宋武公之世鄭瞞

伐宋司徒皇父音帥師禦之音而班御皇父

音充石公子穀甥為右司寇牛父音駟乘去聲

以敗狄于長丘獲長狄緣斯皇父音之二子

死焉宋公於是以前賞音而班使食其征謂

之音而門晉之滅潞也獲僑音如之弟焚如

齊襄公之二年鄭瞞伐齊齊王子成父音獲

其弟榮如埋其首於周首之北門衛人獲其季弟簡如鄭瞞由是遂亾

鄭瞞狄別種北方長狄國也在夏為防風氏在殷為汪苾氏國語云漆姓史記說苑云釐姓初鄭瞞緣斯伐宋而死在春秋前魯桓十六年齊襄二年也鄭瞞榮如死於齊其弟簡如死於衛此年榮如兄僑如死於魯此後宣十五年僑如弟焚如死於晉兄弟四人俱亾自魯桓十六年至宣十五年一百三歲而榮如之兄始死傳言其人身長且多壽也史記齊襄二年年表及世家俱作齊惠二年則是魯宣二年年計其兄弟年代相去不遠疑是此傳齊襄字誤據傳言王子成父自是襄桓時人不得為齊惠時人傳文與事相應史記偶誤也叔孫莊叔名得臣其子以事名之曰僑如即宣

伯郈班宋臣郈氏班名皇父之二子死焉言皇父充石與穀甥牛父二人皆死故惟郈班受賞鹹魯地在今濮州子駒之門魯郭門也長邱宋地在今封邱潞今潞城縣周首齊邑在今東阿東北傳詳言僑如榮如首埋處以其骨節非常恐後世得者怪之故誌于簡牘會稽有防風之骨事理同此古史詳畧具有深意也駟乘謂四人共車宋魯兵車俱有此制

郈大音泰子朱儒自安於夫音扶鍾國人弗徇音浚

夫鍾郈邑在今汶上言自安處於外邑國人亦不順之

經十有二年春王正月郈伯來奔杞伯來

朝二月庚子子叔姬卒夏楚人圍巢

秋滕子來朝 秦伯使術來聘 冬十有二

月戊午晉人秦人戰于河曲 季孫行父音甫

帥師城諸及鄆音運

傳十二年春邲伯卒邲人立君音秦犬子以夫

扶音鍾與邲邽音圭來奔公以諸侯逆之非禮也

故書曰邲伯來奔不書地尊諸侯也

邲邽亦邲邑邲伯卒而犬子不入國國人當立君矣犬子以邑奔魯魯以君禮逆之故經書邲伯服虔以為朱儒立於夫鍾而國人改立君不告天子朱儒遂以邲邽邦寶來奔此則當以諸侯逆之國史不當言非禮

杞桓公來朝始朝公也且請絕叔姬而無絕昏公許之二月叔姬卒不言杞絕也書叔姬言非女也

無絕昏言如舊昏媾此叔姬未歸魯而卒既許杞絕故不稱杞叔姬也至成五年又有杞叔姬來歸是無絕昏之證杞桓公以僖二十三年即位至襄六年卒蓋在位七年十一

楚令尹大孫伯卒成嘉為令尹羣舒叛楚夏子孔執舒子平及宗子遂圍巢

成嘉字子孔舒偃姓國有舒庸舒鳩舒蓼舒龍舒鮑舒龔故曰羣舒其地在今舒城

廬江之境宗國在今舒城巢國今巢縣

秋滕昭公來朝亦始朝公也

秦伯使西乞術來聘且言將伐晉襄仲辭玉

曰君不忘先君之好去聲照臨魯國鎮撫其社

稷重之以大器寡君敢辭玉對曰不腆敝器

不足辭也主人三辭賓答曰寡君願徼吉堯切

福于周公魯公以事君不腆先君之敝器使

下臣致諸執事以為瑞節要平聲結好去聲命所

以藉寡君之命結二國之好去聲是以敢致之

襄仲曰不有君子其能國乎國無陋矣厚賄之

聘禮受玉亦當還之此辭玉蓋不欲成禮結好藉寡君之命藉薦也言致命以玉薦之為信厚賄之言贈送有加禮

秦為去聲令音狐之役故冬秦伯伐晉取羈馬

晉人禦之趙盾將中軍荀林父音甫佐之卻缺

將上軍臾駢佐之欒盾將下軍胥甲佐之范

無恤御戎以從秦師于河曲臾駢曰秦不能

久請深壘力軌切固軍以待之從之秦人欲戰

秦伯謂士會曰若何而戰對曰趙氏新出其
 屬曰與駢必實為此謀將以老我師也趙有
 側室曰穿晉君之婿也有寵而弱不在軍事
 好去聲勇而狂且惡去聲與駢之佐上軍也若使
 輕去聲者肆焉其可秦伯以璧祈戰于河十二
 月戊午秦軍掩晉上軍趙穿追之不及反怒
 曰襄糧坐甲固敵是求敵至不擊將何俟焉
 軍吏曰將有待也穿曰我不知謀將獨出乃
 以其屬出宣子曰秦獲穿也獲一卿矣秦以

勝歸我何以報乃皆出戰交綏秦行人夜戒
 晉師曰兩君之士皆未懋魚觀切也明日請相
 見也與駢曰使去聲者日動而言肆懼我也將
 遁矣薄音迫諸河必敗之胥甲趙穿當軍門呼
 曰死傷未收而奔之不惠也不待期而薄
 人於險無勇也乃止秦師夜遁復侵晉入瑕

令狐役在七年羈馬晉邑今永濟縣南六十里瑕晉邑今臨晉縣東北地時秦師在河東晉深壘固軍不與戰壘軍壁深高也如觀禮記壇深四尺之深趙有側室者禮卿有側室大夫有貳宗蓋分其正室所有而別為一家趙宗為趙氏其側室之後自

為邯鄲氏也。趙穿為一卿者，晉君以穿為壻，分趙側室而命之為卿。如卻缺先以一命為卿，亦未有軍行時穿亦不在軍帥之數也。不在軍事，言不察知軍情，輕者肆焉。言往挑怒之交，綏兩卻也。言未力戰而中止，未慙未傷缺也。目動謂目光遁逃，言肆謂語聲嘶放，迫諸河以秦在河東，當渡河西歸。傳言趙穿矣而自持有理，所謂姦邪城諸及鄆，音運書時也。

諸魯邑。今諸城西南。鄆魯邑。今沂水東北。此東鄆也。西鄆今鄆城縣東。

經十有三年春王正月 夏五月壬午陳侯

朔卒 無傳 邾子遽 音渠 除卒 音除 自正月不雨

至于秋七月 無傳 大 音秦 室屋壞 冬公如晉

衛侯會公于沓 徒答切 狄侵衛 無傳衛前侵

狄不敢加兵者十餘年今衛侯出而狄復侵衛伺釁也狄情畏威而逐利類如此

十有二月己丑公及晉侯盟 公還自晉鄭

伯會公于棐 音匪

傳十三年春晉侯使詹嘉處瑕以守桃林之

塞 悉代切 晉人患秦之用士會也夏六卿相見

於諸浮趙宣子曰隨會在秦賈季在狄難 去聲

日至矣若之何中行 音杭 桓子曰請復賈季能

外事且由舊勲卻成子曰賈季亂且罪大不

如隨會能賤而有恥柔而不犯其知同足使

也且無罪乃使魏壽餘偽以魏叛者以誘士

會執其帑於晉使夜逸請自歸于秦秦伯許

之履士會之足於朝秦伯師于河西魏人在

東壽餘曰請東人之能與夫音扶二三有司言

者吾與之先使士會士會辭曰晉人虎狼也

若背其言臣死妻子為戮無益於君不可悔

也秦伯曰若背其言所不歸爾帑者有如河

乃行繞朝贈之以策曰子無謂秦無人吾謀

適不用也既濟魏人謀素報切而還秦人歸其

帑其處者為劉氏

晉以前年秦入瑕故以瑕子嘉使率眾守

桃林之塞今河南靈寶以西至陝西華陰

也諸浮會議之所賈季舊勳謂狐偃子能

外事謂知狄情魏壽餘畢萬之後魏在河

東今芮城縣履士會足欲使會知其情二

三有司謂魏城有司東人謂晉舊人為河

東人所信者士會以妻子在秦故不敢歸

晉秦伯欲得魏使會與之言謂魏即背言

秦必縱歸士會帑也繞朝秦大夫以所執

馬策贈會以展素好且告以阻會之謀適

不見用不可謂秦無人為晉害秦其後

秦人歸會妻子其族畱秦者別為劉氏

邾文公卜遷于繹史曰利於民而不利於君

同治八年謹遵

三專賣天卷七文公

邾子曰苟利於民孤之利也天生民而樹之君以利之也民既利矣孤必與音焉左右曰命可長也君何弗為邾子曰命在養民死之短長時也民苟利矣遷也吉莫如之遂遷于繹五月邾文公卒君子曰知命

邾故城在今鄒縣城東南其所遷之繹則稍北依繹山宣十五年魯取繹則邾別邑名繹者君子曰知命謂命在養民知其正

秋七月犬音室之屋壞書不共同也

賈逵服虔皆云犬室犬廟之室也明堂位云祀周公於大廟

冬公如晉朝且尋盟衛侯會公于沓徒答切請

平于晉公還鄭伯會公于棐音亦請平于晉

公皆成之鄭伯與公宴于棐子家賦鴻鴈季

文子曰寡君未免於此文子賦四月子家賦

載馳之四章文子賦采薇之四章鄭伯拜公

荅拜

尋盟者尋八年衡雍之盟沓地闕棐鄭邑在今新鄭東衛鄭方貳于楚而畏晉故因公請平公還鄭始請公公之成鄭蓋在明年六月傳終言之也子家鄭公子歸生賦鴻鴈取之子于征哀此矜人賦四月取維夏徂暑當歸祭祀不能更為鄭如晉賦載

馳之四章取控于大邦誰因誰極賦采薇之四章取豈敢定居一月三捷捷勝也許為鄭還不敢安居也

經十有四年春王正月公至自晉無傳邾人

伐我南鄙叔彭生帥師伐邾夏五月乙亥

齊侯潘卒六月公會宋公陳侯衛侯鄭伯

許男曹伯晉趙盾癸酉同盟于新城秋七

月有星孛音佩又音勃入于北斗公至自會無傳

晉人納捷菑音緇于邾弗克納九月甲申

公孫敖卒于齊齊公子商人弑其君舍

宋子哀來奔冬單音善伯如齊齊人執單

伯齊人執子叔姬

傳十四年春頃音傾王崩周公閱與王孫蘇爭

政故不赴凡崩薨不赴則不書禍福不告亦

不書懲不敬也

欲使怠慢者自知懲警

邾文公之卒也公使弔焉不敬邾人來討伐

我南鄙故惠伯伐邾

惠伯叔仲彭生也經書彭生蓋文闕

子叔姬妃同配齊昭公生舍叔姬無寵舍無威

公子商人驟施去聲於國而多聚士盡上聲其家

貸於公有司以繼之夏五月昭公卒舍即位

商人桓公子昭公弟也傳言昭公薄于夫婦又不能以禮馭其臣所以致亂

邾文公元妃齊姜生定公二妃晉姬生捷菑

音文公卒邾人立定公捷菑音奔晉

元妃二妃諸侯有三宮夫人也故又有下妃

六月同盟于新城從於楚者服且謀邾也

新城宋邑今商邱地從于楚者謂陳宋鄭謀邾將納捷菑

秋七月乙卯夜齊商人弑舍而讓元元曰爾

求之久矣我能事爾爾不可使多蓄憾將免

我乎爾為之

七月丙子朔無乙卯日日有誤也經書于九月從赴商人弑舍而立是為懿公元懿公兄惠公也多蓄憾謂不為君則恨多

有星孛音佩又音勃入于北斗周內史叔服曰不

出七年宋齊晉之君皆將死亂

始見孛繼而移入北斗故曰有星孛入于北斗劉歆以為北斗有環域四星入其中也斗天之三辰綱紀星也宋齊晉天子方伯中國綱紀彗所以除舊布新也斗七星

故曰不出七年古字彗通稱其體則一其形實兩偏指曰彗也氣四出曰彗此年書字據公羊傳以為彗

晉趙盾以諸侯之師八百乘去聲納捷菑于邾

邾人辭曰齊出獲俱縛切且子餘切長上聲宣子曰

辭順而弗從不祥乃還

明言齊出者謂元妃之子申言長者謂嫡長故晉人言辭順不可不從

周公將與王孫蘇訟于晉王叛王孫蘇而使尹氏與聃啟訟周公于晉趙宣子平王室而復之

時周弱依晉自立王匡王也周公周也閔也閔與蘇不平欲決是非于晉王不與蘇故使卿尹氏大夫聃啟代閔訟理曰王叛者時人之言所謂名不正則言不順傳特為著之與桓王貳于號均為險辭知正本清源當慎之于早

楚莊王立子孔潘崇將襲羣舒使公子燮與

子儀守而伐舒蓼了音二子作亂城郢而使賊

殺子孔不克而還八月二子以楚子出將如

商密廬戢黎及叔麋誘之遂殺鬬克及公子

燮初鬬克囚于秦秦有殺之敗而使歸求成

成而不得志公子燮求令尹而不得故二子

作亂

莊王穆王子也。子孔令尹成嘉也。子儀鬪克也。羣舒在今廬江舒城界。舒蓼羣舒之一也。商密今內鄉縣。廬今南漳縣。公子燮鬪克二子守城郢作亂。劫君出。終於不克死。

穆伯之從己氏也。魯人立文伯。穆伯生二子於莒。而求復。文伯以為請。襄仲使無朝聽命。復而不出。三年而盡室以復。適莒。文伯疾而請曰：穀之子弱，請立難也。音難也許之。文伯卒，立惠叔。穆伯請重賂以求復。惠叔以為請，許之。

將來九月卒于齊，告喪，請葬，弗許。

穆伯公孫敖從己氏。在八年文伯穀也。敖之子請復敖以有罪不朝，故不出。既而敖又出奔，穀將卒，以子蔑幼，乃立其弟惠叔。難又請復敖而敖死，請葬者，請以卿禮葬。

宋高哀為蕭封人，以為卿，不義。宋公而出，遂來奔。書曰：宋子哀來奔，貴之也。

蕭宋附庸國。今蕭縣。前莊二十三年有蕭叔來朝。後宣十二年楚子滅蕭。高哀宋人。仕蕭還擢為宋卿。哀以宋昭公為不義，不肖為卿出而待放，因來奔。經書其字，故傳曰：貴之。言其避禍早。

齊人定懿公，使來告難，故書以九月。齊公子

元不順懿公之為政也終不曰公曰夫音扶已

音紀氏

傳言故書以九月明春秋所書日月皆從赴也元惠公不順謂不以為順夫己氏杜預云猶言某甲

襄仲使告于王請以王寵求昭姬于齊曰殺

其子焉音薦用其母請受而罪之冬單音善伯如

齊請子叔姬齊人執之又執子叔姬

昭姬舍之母子叔姬也單伯王卿士

經十有五年春季孫行父音甫如晉三月宋

司馬華去聲孫來盟夏曹伯來朝齊人歸

公孫敖之喪六月辛丑朔日有食之鼓用

牲于社單音善伯至自齊晉卻缺帥師伐

蔡戊申入蔡秋齊人侵我西鄙季孫行

父音甫如晉冬十有一月諸侯盟于扈十

有二月齊人來歸子叔姬齊侯侵我西鄙

遂伐曹入其郛音孚

傳十五年春季文子如晉為單去聲音善伯與子

叔姬故也

同治八年謹遵

三傳寶文卷九文公

三月宋華

去聲

耦來盟其官皆從之書曰宋司

馬華

去聲

孫貴之也公與之宴辭曰君之先臣

督得罪於宋殤公名在諸侯之策臣承其祀

其敢辱君請承命於亞旅魯人以為敏

古者卿行旅從春秋時多不能備禮華耦以司馬官屬自從故以其官書之亞旅者

次于卿公與耦宴耦言不敢辱公請與亞旅宴耦無故暴其亾祖大惡君子所不忍

聞其時魯鈍之人以耦為敏君子所不與也

夏曹伯來朝禮也諸侯五年再相朝以脩王

命古之制也

脩王命謂侯國相勉以脩

齊人或為

去聲

孟氏謀曰魯爾親也飾棺寘諸

堂阜魯必取之從之卞

音弁

人以告惠叔猶毀

以為請立於朝以待命許之取而殯之齊人

送之書曰齊人歸公孫敖之喪為

去聲

孟氏且

國故也葬視共

音恭

仲聲己不視帷堂而哭襄

仲欲勿哭惠伯曰喪親之終也雖不能始善

終可也史佚

音逸

有言曰兄弟致美救乏賀善

弔災祭敬喪哀情雖不同母絕其愛親之道

也。子無失道，何怨於人？襄仲說同帥兄弟以哭之。他年其二子來，孟獻子愛之，聞於國。或譖之曰：「將殺子。」獻子以告季文子。二子曰：「夫子以愛我聞，我以將殺子聞，不亦遠乎？」遠去聲禮不如死。一人門于句音鈎，一人門于戾丘，皆死。

堂阜，今蒙陰西北地。下，今泗水東地。飾棺者，使之異于眾，欲魯易知之。惠叔取殯，謂橫次于寢之西序，葬視共仲，其父共仲亦有罪也。聲己，惠叔母，怨敖從莒女，故不視其喪，自帷堂而哭。襄仲怨敖，取其妻，亦欲不哭。臨，惠伯、叔仲、彭生也。兄弟致美，言各

盡致其善道。他年其二子來，敖在莒所生之二子也。時惠叔難已終，文伯子獻子蔑繼立。獻子愛此二子，二子被譖，因以死。自明，句，颯，戾邱，皆魯邑。適有攻門之小寇，故死于門。

六月辛丑朔，日有食之。鼓用牲于社，非禮也。日有食之，天子不舉，伐鼓于社，諸侯用幣于社，伐鼓于朝，以昭事神，訓民事君，示有等威，古之道也。

非禮者，侯國不當鼓于社，且天災不當用牲也。社為上公，侯國用幣請救而已。

齊人許單音善伯請而赦之，使來致命。書曰：單

善音伯至自齊貴之也。

新城之盟蔡人不與。預音晉卻缺以上軍下軍

伐蔡曰君弱不可以怠戊申入蔡以城下之

盟而還凡勝國曰滅之獲大城焉曰入之

秋齊人侵我西鄙故季文子告于晉

冬十一月晉侯宋公衛侯蔡侯陳侯鄭伯許

男曹伯盟于扈尋新城之盟且謀伐齊也齊

人賂晉侯故不克而還於是去聲有齊難是以

公不會書曰諸侯盟于扈無能為故也凡諸

侯會公不與。預音不書諱君惡也與。預音而不書

後也

扈在今原武尋十四年六月新城之盟魯言有齊難者秋方見侵時國內未平

齊人來歸子叔姬王故也

單伯雖見執終達王命齊雖畏晉賂之使去而終不肖以晉為辭故仍以王命為辭

國史因記其故

齊侯侵我西鄙謂諸侯不能也遂伐曹入其

郭。孚音討其來朝也季文子曰齊侯其不免乎

已則無禮而討於有禮者曰女。同汝何故行禮

禮以順天。天之道也。己則反天，而又以討人，難以免矣。詩曰：胡不相畏，不畏于天。君子之不虐幼賤，畏于天也。在周頌曰：畏天之威，于時保之，不畏于天，將何能保，以亂取國，奉禮以守，猶懼不終，多行無禮，弗能在矣。

此年夏，曹朝魯，齊惡魯，故竝伐曹，責其事魯，非責其行禮。季文子憤辭周內之。

經十有六年春，季孫行父音甫會齊侯于陽穀，齊侯弗及盟。夏五月，公四不視朔。六月戊辰，公子遂及齊侯盟于鄆音西。丘音西秋八月

辛未，夫人姜氏薨。毀泉臺。楚人秦人巴人滅庸。冬十有一月，宋人弑其君杵臼。

傳十六年春，王正月及齊平。公有疾，使季文子會齊侯于陽穀，請盟。齊侯不冝，曰：請俟君

閑

如字

閑謂病閑

夏五月，公四不視朔，疾也。公使襄仲納賂于

齊侯，故盟于鄆音西丘。

正月，公有疾。二月，三月，四月，五月，未閑。故四不視朔。齊侯信之，又納賂，故及盟。鄆，邱

同治八年謹遵

春秋左傳卷九 文公

齊地在
今東阿

有蛇自泉宮出入于國如先君之數秋八月
辛未聲姜薨毀泉臺

泉臺在郊有宮蛇自中出而入國其數十
七魯公至僖公亦十七君適聲姜薨魯人
怪之謂蛇為
妖因毀泉臺

楚大饑戎伐其西南至于阜山師于大林又
伐其東南至于陽丘以侵訾

子斯切

枝庸人帥

羣蠻以叛楚麋人率百濮聚於選將伐楚於
是申息之北門不啟楚人謀徙於阪

音反

高蔞

賈曰不可我能往寇亦能往不如伐庸夫麋

與百濮謂我饑不能師故伐我也若我出師

必懼而歸百濮離居將各走其邑誰暇謀人

乃出師旬有五日百濮乃罷自廬以往振廩

同食次于句

音鉤

澁使廬戢黎侵庸及庸方城

庸人逐之囚子揚窻三宿而逸曰庸師眾羣

蠻聚焉不如復大師且起王卒合而後進師

叔曰不可姑又與之遇以驕之彼驕我怒而

後可克先君蚡

扶粉切

冒所以服陘隰也又與

之遇七遇皆北唯裨

婢支切

條

音

魚人實逐之

庸人曰楚不足與戰矣遂不設備楚子乘駟

會師于臨品分爲二隊

渡內切

子越自石溪子

貝自仞以伐庸秦人巴人從楚師羣蠻從楚

子盟遂滅庸

時楚都江陵阜山今房縣大林今荆門州西北陽邱訾枝今鍾祥庸今竹山羣蠻散處之蠻麋今白河百濮西南夷各以邑落自聚選楚邑今枝江南也申息在今河南楚內有難故申息戒嚴以備北方徙于阪高謂徙于江陵之險地廬今南漳振廩發倉廩也同食將士同之句澁在今均州西戢黎廬大夫也方城庸地在今竹山東五

宋公子鮑禮於國人宋饑竭其粟而貸之年

自七十以上

上聲

無不饋詒

平聲

也時加羞珍異

無日不數

音

於六卿之門國之材人無不事

也親自桓以下無不恤也公子鮑美而豔襄

夫人欲通之而不可乃助之施

去聲

昭公無道

國人奉公子鮑以因夫人於是華元爲右師

十里與楚方城別子揚窻廬官屬復大師謂合句澁之師師叔潘尫也蚡冒武王兄爲氏所從出也陘隰荊州山地裨條魚庸三邑也臨品今均州地駟傳車也石溪仞皆均州地傳言爲賈潘尫爲楚謀臣楚所以興

公孫友為左師，華耦為司馬，鱗音為司徒，蕩意諸為司城。公子朝為司寇，初司城蕩卒，君無道，吾官近懼及焉。弃官則族無所庇，子身之貳也。姑紆同舒死焉。雖亾子，猶不亾族。既夫人將使公田，孟諸而殺之。公知之，盡以寶行。蕩意諸曰：盍適諸侯。公曰：不能其大夫，至于君祖母以及國人，諸侯誰納我？且既為人君，而又為人臣，不如死。盡以其寶賜左右而

使行。夫人使謂司城去，公對曰：臣之而逃其難。去聲若後君何？冬十一月甲寅，宋昭公將田，孟諸未至。夫人王姬使帥甸攻而殺之。蕩意諸死之。書曰：宋人弑其君杵臼，君無道也。文公即位，使母弟須為司城，華耦卒，而使蕩虺況鬼切為司馬。

公子鮑，昭公庶弟，文公也。桓公鮑之曾祖，襄公鮑之祖，襄夫人，嫡祖母也。鮑要譽于國，加羞珍異，謂加進珍品。司城蕩，公子蕩也。生公孫壽，壽生蕩，意諸，壽畏死，以官子子，其子果能死官。帥甸，謂甸帥，甸邑大夫也。

同治八年謹遵

三專賣本卷九文公

三

經十有七年春晉人衛人陳人鄭人伐宋

夏四月癸亥葬我小君聲姜 齊侯伐我西

鄙六月癸未公及齊侯盟于穀 諸侯會于

扈 秋公至自穀 無傳諸侯與晉會扈公獨與齊盟穀棄伯從仇踰時

而反故書以著其失 冬公子遂如齊

傳十七年春晉荀林父 音甫 衛孔達陳公孫寧

鄭石楚伐宋討曰何故弑君猶立文公而還

卿不書失其所也

卿不書謂稱人

夏四月癸亥葬聲姜有齊難 去聲 是以緩

過五月常數

齊侯伐我北鄙襄仲請盟六月盟于穀

穀在今東阿經書西鄙傳言北鄙服虔云再伐魯也四月葬聲姜前有齊難則前曾

來伐可知

晉侯蒐于黃父 音甫 遂復合諸侯于扈平宋也

公不與 音預 會齊難 去聲 故也書曰諸侯無功也

於是晉侯不見鄭伯以為貳於楚也鄭子家

使執訊而與之書以告趙宣子曰寡君即位

三年召蔡侯而與之事君九月蔡侯入于敝
 邑以行敝邑以侯宣多之難寡君是以不得
 與蔡侯偕十一月克滅侯宣多而隨蔡侯以
 朝于執事十二年六月歸生佐寡君之嫡夷
 以請陳侯于楚而朝諸君十四年七月寡君
 又朝以蕝勅展切陳事十五年五月陳侯自敝
 邑往朝于君往年正月燭之武往朝夷也八
 月寡君又往朝以陳蔡之密邇於楚而不敢
 貳焉則敝邑之故也雖敝邑之事君何以不

免在位之中一朝于襄而再見于君夷與孤
 之二三臣相及於絳雖我小國則蔑以過之
 矣今大國曰爾未逞吾志敝邑有亾無以加
 焉古人有言曰畏首畏尾身其餘幾上聲又曰
 鹿死不擇音如字一同蔭小國之事大國也德則
 其入也不德則其鹿也鋌他頂切而走險急何
 能擇命之罔極亦知亾矣將悉敝賦以待於
 條音條唯執事命之文公二年六月壬申朝于
 齊四年二月壬戌為去聲齊侵蔡亦獲成於楚

居大國之闕而從於彊令豈其罪也大國若

弗圖無所逃命晉鞏古勇切朔行成於鄭趙穿

公壻池為質致音焉

黃父一名黑壤晉地在今沁水西北復合諸侯于扈即十五年會扈之諸侯魯有齊難時公在穀也鄭子家公子歸生也執訊通訊問之官言執物訊問宣子安否即與執訊人書以告宣子時鄭穆公之十八年穆之三年為魯文二年侯宣多以迎立穆公專權為難其年十一月事稍定即朝晉十二年則魯文十一年犬子夷及歸生朝楚請陳于楚以事晉十四年敕成其事歲敕也往年使犬子朝八月君又朝鄭二三臣前後相及在晉絳都言事晉恭鹿死不擇音者服虔云鹿得美草呦呦相呼困迫

則不暇復擇善音杜預云音蔭也古字聲同皆相假借不擇蔭下云鋌疾走險是也悉賦待于儵儵晉鄭境上言分受侵伐文公二年當魯莊二十三年四年當魯莊二十五年言從楚亦不為齊所責

秋周甘音觸敗戎于邠音審垂乘其飲酒也

邠垂周地今伊陽縣地也甘獸蓋王子帶之後

冬十月鄭犬音泰子夷石楚為質致音于晉

石楚鄭大夫

襄仲如齊拜穀之盟復曰臣聞齊人將食魯之麥以臣觀之將不能齊君之語偷臧文仲

有言曰民主偷必死

語偷苟且也

經十有八年春王二月丁丑公薨于臺下

秦伯罾

罾音罾卒無傳

夏五月戊戌齊人弑其君

商人六月癸酉葬我君文公秋公子遂

叔孫得臣如齊冬十月子卒夫人姜氏

歸于齊

季孫行父

音甫如齊

無傳告立宣公也且懼夫人之

訴而來討故預為之地以解之歟

莒弑其君庶其

傳十八年春齊侯戒師期而有疾醫曰不及

秋將死公聞之卜曰尚無及期惠伯令龜卜

楚丘占之曰齊侯不及期非疾也君亦不聞

令龜有咎二月丁丑公薨

齊於春戒師期蓋欲食魯之麥公聞其病冀其不及師期而死也叔仲彭生以卜事

令龜亦見凶兆令命也公亦不聞言先齊侯終薨于臺下言非路寢

齊懿公之為公子也與邴音丙歎音觸之父爭田

弗勝及即位乃掘而別之而使歎音觸僕納閭

職之妻而使職驂乘去聲夏五月公游于申池

二人浴于池歎音觸以扑音卜切扶音切職職怒

歎

音觸

曰人奪女

同汝

妻而不怒

一扶

救乙

女

同汝

庸何傷職曰與別其父而弗能病者何如乃

謀弒懿公納諸竹中歸舍

音赦

爵而行齊人立

公子元

齊城南面西門曰申門門左右池曰申池
扑箠也二人故相挑激舍爵而行置酒而

後去也
元惠公

六月葬文公

秋襄仲莊叔如齊惠公立故且拜葬也

襄仲遂莊叔得臣一賀
惠公立一拜齊來會葬

文公二妃敬嬴生宣公敬嬴嬖而私事襄仲

宣公長

上聲

而屬

音燭

諸襄仲襄仲欲立之叔仲

不可仲見

音現

于齊侯而請之齊侯新立而欲

親魯許之冬十月仲殺惡及視而立宣公書

曰子卒諱之也仲以君命召惠伯其宰公冉

務人止之曰入必死叔仲曰死君命可也公

冉務人曰若君命可死非君命何聽弗聽乃

入殺而埋之馬矢之中公冉務人奉其帑以

奔蔡既而復叔仲氏

同治八年謹遵

三傳讀本卷九文公

三

二妃敬嬴元妃哀姜也私事襄仲故襄仲奉其屬叔仲惠伯也欲立子惡襄仲使齊因得齊惠公之援遂殺惡及其弟視而立宣公詐以子惡之命召惠伯殺之既而復立叔仲氏

夫人姜氏歸于齊大歸也將行哭而過市曰

天乎仲為不道殺適同立庶市人皆哭魯人

謂之哀姜

夫人為惡與視之母二子死故歸與子叔姬同

莒紀公生犬

去聲

子僕又生季佗

徒何切

愛季佗

而黜僕且多行無禮於國僕因國人以弑紀

公以其寶玉來奔納諸宣公公命與之邑曰

今日必授季文子使司寇出諸竟同曰今日

必達公問其故季文子使犬音秦史克對曰先

大夫臧文仲教行父音甫事君之禮行父音甫奉

以周旋弗敢失隊同曰見有禮於其君者事

之如孝子之養去聲父母也見無禮於其君者

誅之如鷹鷂之逐鳥雀也先君周公制周禮

曰則以觀德德以處事事以度音鐸功功以食

音嗣民作誓命曰毀則為賊掩賊為藏竊賄為

盜盜器為姦主藏之名賴姦之用為大凶德

有常無赦在九刑不忘行父音甫還音旋觀莒僕

莫可則也孝敬忠信為吉德盜賊藏姦為凶

德夫莒僕則其孝敬則弑君父矣則其忠信

則竊寶玉矣其人則盜賊也其器則姦兆也

保而利之則主藏也以訓則昏民無則焉不

度如字於善而皆在於凶德是以去上聲之昔高

陽氏有才子八人蒼舒隕徒同切欽五才切檮

直由切一音桃鯀以善切大臨尤降聲庭堅仲容叔達

齊聖廣淵明允篤誠天下之民謂之八愷音凱

高辛氏有才子八人伯奮仲堪叔獻季仲伯

虎仲熊叔豹季狸忠肅共同恭懿宣慈惠和天

下之民謂之八元此十六族也世濟其美不

隕其名以至於堯堯不能舉舜臣堯舉八愷

使主后土以揆葵癸切百事莫不時序地平天

成舉八元使布五教于四方父義母慈兄友

弟共同恭子孝內平外成昔帝鴻氏有不才子

掩義隱賊好去聲行凶德醜類惡物頑嚚不友

是與比去聲周天下之民謂之渾上聲敦徒本少

皞氏有不才子毀信廢忠崇飾惡言靖譖庸

回服讒蒐慝以誣盛德天下之民謂之窮奇

顓頊氏有不才子不可教訓不知話言告之

則頑舍音之則嚚傲很戶墜切明德以亂天常

天下之民謂之梟音杙音此三族也世濟其凶

增其惡名以至於堯堯不能去上聲縉雲氏有

不才子貪于飲食冒于貨賄侵欲崇侈不可

盈厭於豔切聚斂積實不知紀極不分孤寡不

恤窮匱天下之民以比三凶謂之饕音餮音帖

舜臣堯賓于四門流四凶族渾上聲敦徒本窮

奇音檮音杙音饕音餮音投諸四裔以禦螭音魅音

是以堯崩而天下如一同心戴舜以為天

子以其舉十六相去四凶也故虞書數上聲舜

之功曰慎徽五典五典克從無違教也曰納

于百揆百揆時序無廢事也曰賓于四門四

門穆穆無凶人也舜有大功二十而為天子

今行父音雖未獲一吉人去一凶矣於舜之

同治八年謹遵

三專賣下卷九文公

三

功二十之一也庶幾免於戾乎

莒僕不道而奔魯時魯宣新立納其寶玉命與之邑宣公為惑已大也季文子使司寇出諸境蓋矯公命杜預云未見公而出之故來不書恐非當日情事周禮誓命史克引者今無其書其言以常則不可變毀則之人不可容毀則之器不可藏賴保之九刑謂正刑一議刑八不度于善而皆在于凶德言不居善而行凶不可留也史克因稱舜事以明舉善除凶為人臣盛節八愷者顓頊高陽氏之後愷和也齊中也聖通也淵深也允信也篤厚也八元者帝嚳高辛氏之後元善也肅敬也懿美也宣徧也主后土揆百事言主平水土以揆度百事此十六人之後為十六族舜臣堯時舉之為大功十六渾敦黃帝帝鴻氏之後言性不開通也窮奇少昊金天氏之後言務

奇不務正也靖譖庸回服讒蒐慝言安諧言而用回邪行讒說以藏姦惡禱机顓頊高陽氏之後言禱机凶頑無匹禱也告之則頑舍之則器言告以德義不能入置之則自造說以歸訟此三族亦帝王之後饗食則饗也舜臣堯賓禮眾賢于四門而流四凶族于四裔以禦螭魅罔罔山神魅老精物言幽荒之地神怪所聚使凶族禦之舜以此為大功四史克稱十六族三族俱以族氏言之則八元八愷三凶及饗饗非二人也先儒言禹在八愷之列禱机是蘇繇禹父子而八愷言世濟其美禱机言世濟其凶子改父行兩者俱非世濟傳文以族言之知此是二十族也慎徽五典言敬美五常史克言季文子為魯去一凶人庶幾免戾其言廣大不以辭害意

宋武氏之族道去聲昭公子將奉司城須以作
 亂十二月宋公殺母弟須及昭公子使戴莊
 桓之族攻武氏於司馬子伯之館遂出武穆
 之族使公孫師為司城公子朝卒使樂呂為
 司寇以靖國人

文公弒昭公故武公之後因昭公之子奉
 文公母弟須將攻文公也穆公之後亦同
 其謀故出武穆之族宋所以無武穆成昭
 四公支族也戴族皇樂華三氏莊族仲氏
 桓族向魚蕩
 麟四氏也

欽定春秋左傳讀本卷九

欽定春秋左傳讀本卷十

宣元年盡十一年

宣公

名倭一名接文公子母敬
 嬴諡法善問周達日宣

經元年春王正月公即位

無傳桓宣之篡則
 一而情稍殊桓首

惡也宣與聞耳其即位則同而實迥異桓以
 罪歸焉氏賊己就討隱為己攝本宜立也宣
 則內倚仲遂外結齊援同於繼正遂自立耳
 故皆行即位之禮春秋據實書之以著其惡

公子遂如齊逆女三月遂以夫人婦姜至

自齊夏季孫行父甫音如齊晉放其大夫

胥甲父甫音于衛公會齊侯于平州公子

遂如齊六月齊人取濟西田秋邾子來

朝無傳黃仲炎曰僖文之世邾與魯抗宣篡而反朝之者畏齊故也齊悅魯之利邾畏齊之強而是楚子鄭人侵陳遂侵宋晉趙

盾帥師救陳 宋公陳侯衛侯曹伯會晉師

于棐音匪林伐鄭 冬晉趙穿帥師侵崇亦作崇

晉人宋人伐鄭

傳元年春王正月公子遂如齊逆女尊君命

也三月遂以夫人婦姜至自齊尊夫人也

經書遂不稱公子尊夫人也婦者有姑之辭不言氏文闕

夏季文子如齊納賂以請會

宣公之立由於殺嫡冀得列于諸侯則諸侯不討故以賂請會

晉人討不用命者放胥甲父音甫于衛而立胥

克先辛奔齊

討文十二年河曲之戰不用命也克甲之子辛甲之屬大夫不討趙穿者十七年穿質于鄭當以是免

會于平州以定公位東門襄仲如齊拜成

平州齊地在今萊蕪西定公位謂已得列于諸侯

六月齊人取濟西之田為立公故以賂齊也

濟西之田故曹地魯以僖三十一年分得之

宋人之弑昭公也。晉荀林父音甫以諸侯之師

伐宋。宋及晉平。宋文公受盟于晉。又會諸侯

于扈。將為去聲魯討齊。皆取賂而還。鄭穆公曰

晉不足與也。遂受盟于楚。陳共同恭公之卒。楚

人不禮焉。陳靈公受盟于晉。秋。楚子侵陳。遂

侵宋。晉趙盾帥師救陳。宋會于棐音匪。林以伐

鄭也。楚為賈救鄭。遇于北林。囚晉解音蟹。揚晉

人乃還。

鄭以晉人不足與于文十六年取宋弑君之賂十五年取齊賂也。陳恭公卒在文十

三年。此傳言晉救陳宋。經不言宋。蓋文闕。棐林在今新鄭北林。在今中牟。

晉欲求成於秦。趙穿曰。我侵崇。秦急崇。必救之。吾以求成焉。冬。趙穿侵崇。秦弗與成。

崇國。今鄆縣。秦知穿謀。故但救崇而不與晉成。

晉人伐鄭。以報北林之役。於是晉侯侈。趙宣子為政。驟諫而不入。故不競於楚。

經二年春。王二月壬子。宋華元帥師及鄭公

子歸生帥師戰于大棘。宋師敗績。獲宋華元

秦師伐晉。夏。晉人。宋人。衛人。陳人。侵鄭。

秋九月乙丑晉趙盾弑其君夷臯 冬十

月乙亥天王崩無傳

傳二年春鄭公子歸生受命釋文無受字于楚伐

宋宋華元樂呂御同禦之二月壬子戰于大棘

宋師敗績囚華元獲樂呂及甲車四百六十

乘去聲俘二百五十人馘百人狂狡輅同逐鄭人

鄭人入于井倒戟而出之獲狂狡君子曰失

禮違命宜其為禽也戎昭果毅以聽之之謂

禮殺敵為果致果為毅音亦之戮也將戰華

元殺羊食同飼士其御羊斟不與及戰曰疇昔

之羊子為政今日之事我為政與入鄭師故

敗君子謂羊斟非人也以其私憾敗國殄民

於是刑孰大焉詩所謂人之無良者其羊斟

之謂乎殘民以逞宋人以兵車百乘去聲文馬

百駟以贖華元于鄭半入華元逃歸立于門

外告而入見叔牂音臧曰子之馬然也對曰非

馬也其人也既合而來奔宋城華元為植巡

功城者謳曰睥戶版切其目皤步何切其腹弃甲

而復于思

西才切

于思弃甲復來使其驂乘謂

之曰牛則有皮犀兕尚多弃甲則那

乃多切

役

人曰從其有皮丹漆若何華元曰去之夫

扶音

其口眾我寡

大棘今睢州西曲棘里也樂呂不書非元帥狂狡宋大夫輅鄭人謂以戟迎擊鄭人

鄭人入井狡乃倒其戟以接出之而鄭人反獲狂狡君子言軍禮殺敵致果謂之果

毅戎事當昭明果毅之命而以聽從上令為禮狂狡不殺敵不致果是改易軍禮軍

命宜為敵所擒也羊斟字叔牂殘民以逞謂敗大軍以逞小恨文馬畫馬也鄭得賂

而緩華元之囚元因逃歸叔牂既合合答也他日宋城華元以司馬為植植將主也

睥謂出日。嶠謂大腹。于思者思通斯。鄭康成云白也。賈逵服虔云頭白貌。杜預云多

鬢貌。或曰多鬚貌也。役人譏華元敗師棄甲。元言皮多棄甲無害。答諷云從爾言有

皮。然飾甲丹漆棄之奈何。元乃言去避之。彼其口甚眾而我寡不能敵。傳言元不護

其短寬而能容眾。

秦師伐晉以報崇也遂圍焦夏晉趙盾救焦

遂自陰地及諸侯之師侵鄭以報大棘之役

楚鬪椒救鄭曰能欲諸侯而惡去聲其難去聲乎

遂次于鄭以待晉師趙盾曰彼宗競于楚殆

將斃矣姑益其疾乃去之

焦今陝州地陰地謂河之南終南山之北也今洛南至嵩縣地是也又盧氏縣之東北亦有陰地報崇報趙穿之侵報大棘報今年春鄭伐宋也趙盾以逃楚為益鬪氏之疾乃無聊賴之言

晉靈公不君厚斂以彫牆從臺上彈人而

觀其辟音避丸也宰夫膈音同而熊蹯音藩不孰殺

之寘諸畚音本使婦人載以過朝趙盾士季見

其手問其故而患之將諫士季曰諫而不入

則莫之繼也會請先不入則子繼之三進及

潤音雷而後視之曰吾知所過矣將改之稽首

而對曰人誰無過過而能改善莫大焉詩曰

靡不有初音上聲鮮克有終夫如是則能補過者

鮮矣君能有終則社稷之固也豈唯羣臣賴

之又曰衮職有闕惟仲山甫補之能補過也

君能補過衮不廢矣猶不改宣子驟諫公患

之使鉏麇音同鋤賊之晨往寢門闞矣音成盛音本或

作服將朝尚早坐而假寐麇退歎而言曰不

忘恭敬民之主也賊民之主不忠弃君之命

不信有一於此不如死也觸槐而死秋九月

晉侯飲

去聲

趙盾酒伏甲將攻之其右提

音彌

明知之趨登曰臣侍君宴過三爵非禮也遂

扶

服本扶作跪

以下公喉

音湊

夫

音扶

葵焉明搏而殺

之盾曰弃人用犬雖猛何為鬪且出提彌明

死之初宣子田於首山舍于翳

音意

桑見靈輒

餓問其病曰不食三日矣食

音飼

之舍

音捨

其半

問之曰宦三年矣未知母之存否今近焉請

以遺

去聲

之使盡之而為之簞

音丹

食

音飼

與肉寘

諸橐以與之既而與

音預

為公介倒戟以禦公

徒而免之問何故對曰翳桑之餓人也問其

名居不告而退遂自亾也乙丑趙穿攻靈公

於桃園宣子未出山而復犬

音秦

史書曰趙盾

弑其君以示於朝宣子曰不然對曰子為正

卿亾不越竟

同境

反不討賊非子而誰宣子曰

烏呼我之懷矣自詒伊感其我之謂矣孔子

曰董狐古之良史也書法不隱趙宣子古之

良大夫也為

去聲

法受惡惜也越竟乃免宣子

使趙穿逆公子黑臀

音屯

于周而立之王申朝

于武宮

厚餼蓋在常賦之外彫畫也。脯者煮而熟之也。不熟者熊蹯難熟。畜似筥。絡草索為之。士季隨會也。三進謂三止于庭中。公偽若不見。至檐。涵乃視之也。衮不廢。言君德不廢。鉏麇。晉力士盛服。言趙盾衣服已畢。提彌明。盾車右也。爾雅。狗四尺為葵。說文。噉使犬也。明殺葵。鬪且死。公介士又倒戈免盾。盾遂出而穿。弑公。初。盾有惠于公。介田于首山。今蒲州東南。首陽山也。翳桑。謂首山中之桑林。宦三年。謂外學三年。竹器圓曰箆。方曰筍。橐謂囊之無當者。與為公介謂與為公介士。問名居不告而亾。其後乃知其人名。靈輒也。穿為趙氏側室。卿既弑君而盾復國。使穿迎立成公。其先盾出。又不越境。是盾使穿弑公。大史以盾亾不越境。反不討賊。知之。盾以犬史得其情。故不

復辨孔子歎董狐為良史而以微詞譏盾黑臀者成公亦文公子也晉語云其母夢神規其臀以黑曰使有晉國故命之曰黑臀

初麗同驪姬之亂。詛無畜羣公子。自是晉無公

族。及成公即位。乃宦卿之適。同嬀而為去聲之田。

以為如字公族。又宦其餘子。亦為餘子。其庶子

為公行。音杭晉於是。有公族。餘子公行。趙盾請

以括為公族。曰。君姬氏之愛子也。微君姬氏

則臣狄人也。公許之。冬。趙盾為旄。音毛車之族。

使屏。音萍季以其故族為公族大夫。

同治八年謹遵

二事讀本卷一宣公

服虔云麗姬與公及諸大夫詛無畜羣公子欲令其二子專國其後因而不改諸公子皆在異國惟悼公弟揚干子愁在晉亦不成族故晉無公族之官趙氏欲使卿族強盛乃請于成公假公族之官以與卿族故以嫡子為公族嫡子母弟為餘子庶弟為公行趙盾又自以叔隗之子感君姬氏之援立而愛其三子原同屏括樓嬰故以括為公族而自為旄車之族旄本作為旄車之官公車行列謂之公行車皆建旄謂之旄車之族使其子退為公行欲傳祿位于括故使括以趙衰故族屬官為公族大夫成公雖許之其後以趙盾立己仍以盾子朔繼趙氏也時晉新立此官原同樓嬰殆仕為餘子

經 三年春王正月郊牛之口傷改卜牛牛死

乃不郊猶三望 葬匡王 無傳四月而葬速也

楚子伐陸渾之戎 夏楚人侵鄭

秋赤狄侵齊 無傳狄之別種有赤狄又有白狄赤狄近晉白狄近秦

宋師圍曹 冬十月丙戌鄭伯蘭卒 葬鄭

穆公 無傳月日不具闕也冬卒而冬葬蓋在三月之內速也

傳三年春不郊而望皆非禮也望郊之屬也

不郊亦無望可也

傳春經言正月冬至月卜牛其不郊則盡寅月言之也蓋以牛死故啟蟄不郊而猶望祭淮海岱賈逵以為望祭降婁及魯山魯川也

晉侯伐鄭及邲鄭及晉平士會入盟

邲鄭地今延津鄭廩延也

楚子伐陸渾平去之戎遂至于雒觀去兵于

周疆定王使王孫滿勞去楚子楚子問鼎之

大小輕重焉對曰在德不在鼎昔夏之方有

德也遠方圖物貢金九牧鑄鼎象物百物而

為之備使民知神姦故民入川澤山林不逢

或作禁禦不若螭魅罔兩莫能逢之用能協于上

下以承天休桀有昏德鼎遷于商載祀六百

商紂暴虐鼎遷于周德之休明雖小重也其

姦回昏亂雖大輕也天祚明德有所底音止

成王定鼎于郊音夾鄩卜世三十卜年七百天

所命也周德雖衰天命未改鼎之輕重未可

問也

陸渾之戎在今嵩縣雒在鞏縣觀示也觀兵謂耀示兵眾鼎九鼎也禹時九州各貢其圖籍又各有金貢因各以其州之金鑄其圖之物于其鼎所以百物皆有備之之方謂之九鼎或曰今山海經蓋所著即采九鼎圖及方也民入遠近川澤山林者皆能禁禦不願之物螭本作為山神獸形亦作魑魅亦作彪怪物也罔兩亦作螭蝮說

文云山川之精物也魯語云木石之怪夔罔兩水之怪龍罔象賈逵云罔兩罔象言有夔龍之形而無實體杜預云罔兩水神也亦作魍魎鑄鼎象之始莫能逢而害人夏衰傳商商衰傳周周定之于郊鄆王城天命未改非楚所宜罔

夏楚人侵鄭鄭即晉故也

宋文公即位三年殺母弟須及昭公子武氏之謀也使戴桓之族攻武氏於司馬子伯之館盡逐武穆之族武穆之族以曹師伐宋秋宋師圍曹報武氏之亂也

宋文公以魯文十六年立魯文十七年為宋文元年魯文十八年為宋文二年即位

之三年也逐武穆族事在其年曹師伐宋不知其年傳追言之以釋今伐曹也

冬鄭穆公卒初鄭文公有賤妾曰燕姑其乙切

夢天使去聲與已蘭曰余為伯儵音儵余而祖也

以是為而子以蘭有國香人服媚之如是既而文公見之與之蘭而御之辭曰妾不才幸而有子將不信敢徵蘭乎公曰諾生穆公名之曰蘭文公報鄭子之妃曰陳嬀生子華子臧子臧得罪而出誘子華而殺之南里使盜殺子臧於陳宋之閔又娶于江生公子士朝

于楚楚人酖

音鳩

之及葉

音攝

而死又娶于蘇生

子瑕子俞彌俞彌早卒洩駕惡

去聲

瑕文公亦

惡之故不立也公逐羣公子公子蘭奔晉從

去聲

晉文公伐鄭石癸曰吾聞姬姑耦其子孫

必蕃姑吉人也后稷之元妃也今公子蘭姑

甥也天或啟之必將為君其後必蕃先納之

可以亢

去聲

寵與孔將鉏侯宣多納之盟于犬

音泰

宮而立之以與晉平穆公有疾曰蘭死吾

其死乎吾所以生也刈蘭而卒

姑南燕姓南燕伯僚之後燕姑南燕女鄭

穆公母也史記云姑姓乃后稷元妃其後

當有興者子蘭母其後也天使者人乍見

莫名其神因謂之天使妾不才幸而有子

者言此得幸必有子將不信敢徵蘭者蓋

言其夢以文公又與蘭其事相符為徵杜

言計賜蘭為懷子月數是未幸而先有孕

亦近誣也報者謂淫季父妻漢律猶沿之

鄭子文公季父子儀也報陳媪娶江娶蘇

史記所謂三夫人子華死在僖十六年子

臧死在僖二十四年子瑕死在僖三十三年

年子士死于楚子俞彌早死穆公為犬子

在僖三十年即位元年在僖三十三年穆

公蓋愛蘭草多植之至此病將卒乃刈蘭

經四年春王正月公及齊侯平莒及郟

音談莒

人不肯公伐莒取向

秦伯稻卒

無傳

夏六

月乙酉鄭公子歸生弒其君夷 赤狄侵齊

無傳以齊之強而狄連歲侵之 齊無政而中國無伯具見矣

秋公如齊

公至自齊

無傳宣所以篡齊輔之也既結以 賂復僕僕而往朝焉蓋媚大以求 安也然明年高固使齊侯止公亦 殆矣春秋備書之以著齊魯之惡

冬楚子

伐鄭 傳四年春公及齊侯平莒及邾

音莒人不肯 談公伐莒取向非禮也平國以禮不以亂伐而

不治亂也以亂平亂何治之有無治何以行

禮

邾國今邾城向邑 今莒州南七十里

楚人獻鼃於鄭靈公公子宋與子家將見

音現子公之食指動以示子家曰他日我如此必

嘗異味及入宰夫將解鼃相視而笑公問之

子家以告及食

音飼大夫鼃召子公而弗與也

子公怒染指於鼎嘗之而出公怒欲殺子公

子公與子家謀先

去聲子家曰畜老猶憚殺之 而況君乎反譖子家子家懼而從之夏弒靈 公書曰鄭公子歸生弒其君夷權不足也君

子曰仁而不武無能達也凡弑君稱君君無道也稱臣臣之罪也

龜說文云大龜也公子歸生字子家公子朱字子公賈逵云鄭二卿也史記言子公亦穆氏則亦穆公子食指第二指服虔云俗所謂捷鹽指也解龜殺剝也謀先謂及公未發而作亂時靈公忍而未發子公蓋近臣日在左右子家懼而從子公則手弑君者是子家也權不足謂子家執政而從亂君子以名位言此論子家仁而不武乃春秋時持祿之臣妄作議論韓厥況晉厲以老牛歸生則云畜老以此為仁知春秋時禮法不明言行多矣

鄭人立子良辭曰以賢則去上聲疾不足以順

則公子堅長上聲乃立襄公襄公將去上聲穆氏

而舍音赦子良子良不可曰穆氏宜存則固願

也若將亾之則亦皆亾去疾何為乃舍之皆為大夫

堅襄公也去疾子良也史記言公子朱為穆公子故襄公欲去穆族而獨舍置子良子良不肯獨留故皆用之

初楚司馬子良生子越椒子文曰必殺之是子也熊虎之狀而豺狼之聲弗殺必滅若敖氏矣諺曰狼子野心是乃狼也其可畜乎子

良不可。子文以為大感。及將死，聚其族曰：椒

也知政，乃速行矣。無及於難。去聲且泣曰：鬼猶

求食。若敖氏之鬼，不其餒而及令尹子文卒。

鬬般為令尹，子越為司馬，蔣賈為工正，譖子

揚而殺之。子越為令尹，已為司馬，子越又惡

去聲之，乃以若敖氏之族圍音伯嬴於轅音陽

而殺之。遂處烝野，將攻王。王以三王之子為

質。音致焉弗受。師于漳澨。音噬秋七月戊戌，楚子

與若敖氏戰于臯澨。音虎伯棼音分射王，沃音沓軻

及鼓跗。音扶著音直於丁寧，又射沃軻以貫笠

。轂師懼退。王使巡師曰：吾先君文王克息，獲

三矢焉。伯棼竊其二，盡於是矣。鼓而進之，遂

滅若敖氏。初，若敖娶於邲。音同生鬬伯比。若敖

卒，從其母畜於邲。淫於邲子之女生子文焉。

邲夫人使奔諸夢。音蒙中，虎乳之。邲子田見之，

懼而歸。夫人以告，遂使收之。楚人謂乳穀。音奴

切同謂虎於菟，故命之曰鬬穀於菟。以其女

妻伯比，實為令尹子文。其孫箴尹克黃使

同治八年謹遵 三專賣 宣公

去聲於齊還及宋聞亂其人曰不可以入矣箴

尹曰弃君之命獨誰受之君天也天可逃乎

遂歸復命而自拘於司敗王思子文之治楚

國也曰子文無後何以勸善使復其所改命

曰生

若敖族為鬬氏鬬伯比之子穀於菟字子文子文之兄字子良子良子名椒字越亦曰伯棼子文之子名般字子揚孫名克黃後莊王改其名曰生其宵敖之族為焉氏焉賈字伯贏當子越椒生時聲狀不善及子文卒子文子般為令尹椒為司馬賈為工正受椒指為譖殺般而椒為令尹賈為司馬椒又惡賈名位逼已則囚殺賈于轅

陽外邑又內不自安遂反也轅陽烝野俱在江陵漳澗漳水之涘說文云埤增水邊土人所止者臯濤今枝江縣地三王之謂文成穆三王之後兵車前轅為輶輻湊者為轂輪之中以受軸者笠轂服虔云以笠蔽轂所以禦矢一日車轂上鐵一日兵車旁幔輪杜預云兵車不張蓋惟邊人執笠依轂王之車有鼓有鉦鼓有跗安車上若楹鼓鉦者說文云錡鉦也鉦鐃也周官鼓人注云錡鉦形如小鐘故傳云凡師有鐘鼓曰伐無鐘鼓曰侵是古鉦制如此丁甯者合聲則為鉦椒初射王車沃過轅及鼓跗而著于鉦繼射又過轅而貫轂邊之笠軍人惶惑故王假辭安鎮之邛今安陸夢中雲夢縣地謂乳穀謂虎於菟者以字還音書之克黃為箴尹官改命謂改其名

冬楚子伐鄭鄭未服也

同治八年謹遵

三專賣本卷一宣公

三

經五年春公如齊 夏公至自齊 秋九月

齊高固來逆叔姬 叔孫得臣卒 無傳不日 闕文也

冬齊高固及子叔姬來 楚人伐鄭

傳五年春公如齊高固使齊侯止公請叔姬

焉

夏公至自齊書過也

高固使齊君強為連昏書過者言可不于廟行飲至禮

秋九月齊高固來逆女自為也故書曰逆

叔姬卿自逆也

冬來反馬也

送女者畱其送馬謙不敢自安至三月廟見瑁家遣使反馬此大夫以上之禮

楚子伐鄭陳及楚平晉荀林父 音甫 救鄭伐陳

為明年晉衛侵陳傳

經六年春晉趙盾衛孫免侵陳 夏四月

秋八月螽 無傳 冬十月

傳六年春晉衛侵陳陳即楚故也

夏定王使子服求后于齊

昏禮不稱主人此則定王自命之子服周大夫也求后及逆事不由魯故經不書

同治八年謹遵

三專讀本卷十 宣公

七

秋赤狄伐晉圍懷及邢丘晉侯欲伐之中行

音杭桓子曰使疾其民以盈其貫將可殪也周

書曰殪戎殷此類之謂也

懷今武陟地邢邱今河內縣地盈其貫謂使之盡其惡習貫習也周書殪戎殷之意亦如此康誥言天命文王殪戎殷文王固未嘗滅殷而殷亦自殪意在滅狄不須亟亟戎之為言大也

冬召桓公逆王后于齊

楚人伐鄭取成而還

鄭公子曼滿與王子伯廖力彫切語欲為卿伯

廖告人曰無德而貪其在周易豐三三之離

三三弗過之矣音諫一歲鄭人殺之

曼滿伯廖俱鄭大夫豐上六變而之離其辭曰豐其屋蔀其家闕其戶闐其無人三歲不覲凶豐大也蔀覆蔽也伯廖言弗能過三年

經七年春衛侯使孫良夫來盟夏公會齊

侯伐萊秋公至自伐萊無傳助人伐國不義也以是告至誣

其祖矣大旱無傳螽災之後繼以大旱民不聊生矣宣事齊而不恤下至為之伐無罪以自戕其民以是薄陰陽之和而旱作經以大書危之也冬公會

晉侯宋公衛侯鄭伯曹伯于黑壤上聲

傳七年春衛孫桓子來盟始通且謀會晉也

公即位今七年衛始來故曰始來謀謂謀冬會

夏公會齊侯伐萊不與音預謀也凡師出與謀

曰及不與謀曰會

萊國今黃縣不與謀謂以兵從之初非本謀

赤狄侵晉取向陰之禾

向陰在今濟源晉用桓子謀故縱狄此取禾當在周之秋傳無秋字蓋文闕

鄭及晉平公子宋之謀也故相去聲鄭伯以會

冬盟于黑壤上聲王叔桓公臨之以謀不睦晉

侯之立也公不朝焉又不使大夫聘晉人止

公子會盟于黃父音甫公不與音預盟以賂免故

黑壤之盟不書諱之也

黑壤亦曰黃父在今沁水縣西北王叔桓公不書但臨之不與會盟也公不與盟故

書會不書盟

經八年春公至自會無傳見止逾年以賂得免魯與晉均罪也

夏六月公子遂如齊至黃乃復無傳如齊者君命聘齊也

乃者繼事之辭而有專意蓋至黃有疾遂因自反於何知之以卒于垂知之夫大夫受命雖死猶以尸將命豈疾而可復乎昭二十三年公如晉有疾乃復公自行也故書疾臣不

可以疾而棄君命故不書疾垂訓遠矣

辛巳有事于大廟音秦

仲遂卒于垂壬午猶繹萬入去籥音藥

戊子

夫人嬴氏薨

無傳嬴氏文公妾也稱夫人踵成風也然其實則異矣莊公夫

人哀姜淫而弑君見討於齊文公夫人姜氏無罪而為亂臣悖妾所逐義不當絕非哀姜

比嬴氏與仲遂比而弑嫡子逐嫡母立其子而自尊焉亦烏得與成風比也惟王室不競

伯權不立終不見討故遂以卿卒嬴以夫人薨春秋書之蓋傷之也然篡弑甫八年耳遂

死於齊嬴隕於魯相距八日與哀姜慶父先後即誅相類豈非天哉亂賊亦可以知懼矣

晉師白狄伐秦

楚人滅舒蓼音了

秋七

月甲子日有食之既

無傳

冬十月己丑葬我

小君敬嬴雨不克葬庚寅日中而克葬城

平陽 楚師伐陳

傳八年春白狄及晉平夏會晉伐秦晉人獲

秦謀

音燧殺諸絳市六日而蘇

謀聞謀也又謂之細作蘇復生也傳以記異

有事于大廟襄仲卒而繹非禮也

襄仲莊公子僖公兄弟以如齊疾卒于外垂齊地也祭犬廟畢而聞其卒明日猶繹

納萬武舞去籥文舞非禮也天子諸侯繹祭以儀禮例之其儀節為賓尸魯君當于

襄仲有恩賓尸為人事可省故以不省為非禮萬干舞無聲籥籥舞有聲

楚為去聲眾舒叛故伐舒蓼音滅之楚子疆之

及滑汭盟吳越而還

舒蓼羣舒之一也滑水今合肥縣東吳國時居今無錫東南越國時居今會稽

晉胥克有蠱疾卻缺為政秋廢胥克使趙朔

佐下軍

趙朔趙盾子也時卻缺代趙盾為政胥克胥甲之子以惑疾為卻缺所廢

冬葬敬嬴早無麻始用葛菲音弗雨不克葬禮

也禮卜葬先遠日辟同不懷也

弗亦作縞亦作紵屬棺之繩大夫士二君四王六葬則以下柩禮以麻紼因早無麻

乃用葛魯自此用葛菲周禮大事斂用日出殷禮大事斂用日中夏禮大事斂用昏今日出時雨以日中葬亦合古禮傳又推言葬不期速故卜葬先遠日遠日不從始用近日所由不期速者仁孝之心異于不懷思父母之人

城平陽書時也

平陽在今新泰西北經不書月蓋主冬時

陳及晉平楚師伐陳取成而還

經九年春王正月公如齊公至自齊無傳有母喪而

遠朝齊忘哀甚矣夏仲孫蔑如京師齊侯伐萊

無傳狄比侵齊不敢報而亟伐萊齊惠之畏強凌弱也如此襄五年齊卒滅萊秋

取根牟 八月滕子卒 九月晉侯宋公衛

侯鄭伯曹伯會于扈 晉荀林父音甫帥師伐

陳 辛酉晉侯黑臀卒于扈 冬十月癸酉

衛侯鄭卒 無傳晉衛二君皆不書葬魯不會也魯專事齊衛為之通魯於晉黑

壤之會為晉所止故扈之會魯獨不往二國繼以喪赴亦皆不會非禮也兄弟雖有小忿

不廢 宋人圍滕 楚子伐鄭 晉郤缺帥

師救鄭 陳殺其大夫洩冶

傳九年春王使來徵聘夏孟獻子聘于周王

以為有禮厚賄之

王使來不書于經蓋不成禮又不顯致命

秋取根牟言易也

根牟東夷國在今沂水縣南易者不用大師

滕昭公卒

會于扈討不睦也陳侯不會晉荀林父音甫以

諸侯之師伐陳晉侯卒于扈乃還

討不睦謀齊陳也扈在今原武鄭地也晉成公卒于境外

冬宋人圍滕因其喪也

陳靈公與孔寧儀行父音甫通於夏姬皆衷其

相音日服以戲于朝。洩冶諫曰：公卿宣淫，民無

效焉。且聞不令，君其納之。公曰：吾能改矣。公

告二子，二子請殺之。公弗禁，遂殺洩冶。孔子

曰：詩云：民之多辟，無自立辟。其洩冶之謂乎。

孔儀二氏，陳卿也。夏姬，陳大夫御叔妻，鄭女也。說文云：衷，裏褻衣也。相，日日所常衣也。謂皆以姬常衣著于裏，以相戲。洩冶勸公使納藏之，二人殺洩冶。詩言多邪僻之時，則不可自立辟法，明哲保身，默足以容。孔子引詩言為洩冶惜之。

楚子為厲之役，故伐鄭。晉卻缺救鄭，鄭伯

敗楚師于柳。焚音分國人皆喜，唯子良憂曰：是

國之災也，吾死無日矣。

厲役在六年，所謂楚人伐鄭，取成而還是也。以鄭復從晉，故伐之。柳，焚鄭地，小國戰勝，是激大國之怒，故曰災。

經十年春，公如齊。公至自齊。齊人歸

我濟西田。夏四月丙辰，日有食之。己

巳，齊侯元卒。齊崔氏出奔衛。公如齊。

五月，公至自齊。無傳。癸巳，陳夏徵舒弑其君

平國。六月，宋師伐滕。公孫歸父音甫如齊。

葬齊惠公。無傳。公奔其喪，卿會其葬於齊。則過而於匡，王則缺其罪大矣。

同治八年謹遵

左傳卷之十一 宣公

三

晉人宋人衛人曹人伐鄭 秋天王使王季

子來聘 公孫歸父帥師伐邾取繹 大水

無傳季孫行父音甫如齊 冬公孫歸父如齊

齊侯使國佐來聘 饑 無傳大水故也野有蓋藏君勤振救雖災

不饑此以饑書由宣虛內事齊不恤其民而漫無補救故大水之後民遂乏食其責之深矣

楚子伐鄭

傳十年春公如齊齊侯以我服故歸濟西之

田

濟西田公以元年賂齊今頻年朝齊故齊還其賂不言來歸者公至齊因受之

夏齊惠公卒崔杼有寵於惠公高國畏其偏

也公卒而逐之奔衛書曰崔氏非其罪也且

告以族不以名凡諸侯之大夫違告於諸侯

曰某氏之守臣某失守宗廟敢告所有玉帛

之使去聲者則告不然則否

高國二家齊正卿畏崔杼之偏乃逐崔氏以告諸侯魯因書之其後崔杼還齊不告

不書

公如齊奔喪

奔齊侯元之喪非禮也

陳靈公與孔寧儀行父

音甫

飲酒於夏氏公謂

行父曰徵舒似女

音汝

對曰亦似君徵舒病之

公出自其廕射而殺之二子奔楚

徵舒年已長公與行父戲言是其子所以致禍

滕人恃晉而不事宋六月宋師伐滕

鄭及楚平諸侯之師伐鄭取成而還

鄭以柳焚之勝恐楚深怨故與楚平

秋劉康公來報聘

劉康公王季子也食采于劉報前年仲孫蔑之聘

師伐邾取繹

時邾都于繹此蓋別邑亦名繹

季文子初聘于齊

齊侯初即位也

冬子家如齊伐邾故也國武子來報聘

魯侵小得邑懼齊討故聘齊

楚子伐鄭晉士會救鄭逐楚師于潁北諸侯

之師戍鄭

潁水出少室山潁北近鄭地

同治八年謹遵

宣公

宣公

宣公

鄭子家卒，鄭人討幽公之亂，斲子家之棺而逐其族，改葬幽公，諡之曰靈。

子家，公子歸生也。弑靈公而諡之曰幽，鄭人不能討，至其死乃討之。斲棺，杜預云：斲薄其棺，不使從卿禮。

經十有一年春，王正月，夏，楚子陳侯、鄭伯

盟于辰陵，公孫歸父會齊人伐莒。

也。齊魯平莒而不肯魯既伐之，取向矣。齊復伐之，其志可知也。魯會伐萊，又會伐莒。歲饑而屢興師，民不堪命矣。秋，晉侯會狄于欒。才官函。

冬十月，楚人殺陳夏徵舒。丁亥，楚子入陳。

納公孫寧儀行父于陳。

傳十一年春，楚子伐鄭及櫟，子良曰：晉楚

不務德而兵爭，與其來者可也。晉楚無信，我

焉得^音有信，乃從楚。夏，楚盟于辰陵，陳鄭服

也。

櫟，今禹州地。辰陵，今陳州治西南。陳地也。楚已盟于陳地。此年十月始殺徵舒。知討亂非其本志。

楚左尹子重侵宋，王待諸鄆，令尹蔣艾獵城沂，使封人慮事以授司徒，量功命日分財。

用平板榦稱畚音本築程土物議遠邇略基趾

具餼糧度音鐸有司事三旬而成不愆于素

鄭楚邑今項城地沂楚邑今正陽地楚子自次于郟使左尹侵宋令尹城沂也子重名嬰齊為艾獵為賈之子孫叔敖封人時主築城者使之慮計以授司掌徒役之官板榦以範土畚以運土築以實土土物謂土工之事度有司擇督視之人也不愆于素謂不過所慮三旬之素

晉郤成子求成于眾狄眾狄疾赤狄之役遂

服于晉秋會于欒才官切函眾狄服也是行也

諸大夫欲召狄郤成子曰吾聞之非德莫如

勤非勤何以求人能勤有繼其從之也詩曰

文王既勤止文王猶勤況寡德乎

欒函狄地眾狄素役于赤狄今皆從晉

冬楚子為去聲陳夏氏亂故伐陳謂陳人無動

將討於少西氏遂入陳殺夏徵舒轅音患諸栗

門因縣陳陳侯在晉申叔時使去聲於齊反復

命而退王使讓之曰夏徵舒為不道弑其君

寡人以諸侯討而戮之諸侯縣公皆慶寡人

女同汝獨不慶寡人何故對曰猶可辭乎王曰

可哉。曰：夏徵舒弑其君，其罪大矣。討而戮之，君之義也。抑人亦有言曰：牽牛以蹊田而奪之牛，罰已重矣。諸侯之從也，曰：討有罪也。今縣陳貪其富也，以討召諸侯，而以貪歸之，無乃不可乎？王曰：善哉！吾未之聞也。反之可乎？對曰：可哉！吾儕小人，所謂取諸其懷而與之也。乃復封陳，鄉取一人焉，以歸。謂之夏州，故書曰：楚子入陳，納公孫寧、儀行父于陳，書有禮也。

也。

少西。徵舒，祖子夏之名也。其後為夏氏。轅車裂也。栗門，陳城門。陳侯在晉者，時成公午方朝于晉，楚入陳，乃以陳為縣。申叔時喻言有牽牛徑行他人田中，而我奪之牛，彼自有罪，在我則無名也。若反之，則是民間諺言，所謂取諸其人之懷，而復以與其人，雖不為惠，然比直取不還，則為愈矣。楚子感其言，不滅陳，故傳曰：有禮。夏州，謂此州皆是夏人，所以旌功伐。

厲之役，鄭伯逃歸，自是楚未得志焉。鄭既受

盟于辰陵，又徼事于晉。

吉堯切

厲役，謂六年辰陵盟，今年春也。傳言楚怨鄭，致有明年之圍。



欽定春秋左傳讀本卷十

佛